

荀  
河  
詩  
集

笥河詩集卷十七

大興朱 筠 竹君

庚子

庚子歲朝作

無諸城裏閱年華此日春陰復爾佳  
新雨紛來懷舊雨梅花忽過看桃花  
海旁氣自蓮山近林際光胡棣鄂遐  
慙愧文章緣結重輜軒又徧粵南涯

秀水潘湘雲國初名妓也時蘇人鮑讓侯與宜興  
陳定生商邱侯朝宗輩往還有名潘與鮑定情  
誓必歸之後鮑落魄江湖音耗斷絕其家遷延

偁潘竟嫁爲老兵妻鬱鬱思鮑以死好事者圖  
其遺像于梅花林下傳吳中近時崑山女畫師  
陸芝仙爲摹本以貽長洲胡眉峰俾藏之胡生  
屬余作詩題卷尾焉

胡郎清絕梅爲名襲美人軸藏梅精玉山陸孃妙工畫  
畫古女子天生成 國初潘家家鴛水標梅不歌歌構  
李樹邊石側盼阿誰一雙明眸爲鮑死鮑郎姑蘇臺下  
識扇却桃花同好色漢餘厨及競名聲江左侯陳韻腰  
襖一朝目成兩情許飛空小別紛如雨青雀白鵝絨不  
來角馬粟天泣無所邯鄲才人所養卒誰哦樂府聲咄

咄成陰梅子彼何人心誓鮑郎立此骨梅之林香梅欲  
葩郎歸勿似叅軍佳妾死自化蕪城土郎心尚念霜中  
花露花蕪土兩纏綿鮑嗟潘悼吹作烟眞孃墓草同爾  
寂玉女市鶴誰復憐人生有情今共古陸家有畫胡家  
弄生綃幾尺卷春風脉脉梅花香護汝梅落湘水輕于  
雲湘夫人耶雲中君客持卷過香雪海梅魂梅魄呼應  
聞

庚子正月九日遊鼓山和謝錦江韻

人日不出鄉思繞城東山勢如龍嶠詰朝携客補登高  
去踏危峰看縹緲閩山左右旗更鼓癖此唐餘僧舍好

淺黃菜色曲曲沿微白亭痕遠遠眺舊霖白石溜餘深

新藥紅桃破來小輿停下院一茶甜人躋高顛百盤繳

訝投十里松栢間自下院而上十里僧與土人快到三

椽雲氣表僧言閩王審知年四百萬金治古道果見霜

皮夾徑圍窈入瓊居藏殿宵夜中苦筭飯客飢樓上清

鐘敲寺曉鐵樹何年偶著花舍利同龜長却掃僧行導

我出門去喝水巖頭轉渺渺白靄下空上壁實隨步回

眸百繞繚壑底大賢迎瀑書文公書壽字在岩下龍吐

誰馴性矯矯連厓半稱遊古洞剝落蒼苔留鳥爪最奇

妙筆蔡將蘇忽稟新詩朱讚趙其餘宋元數千幅古不

難今少易老百歲幾磨適藏墨一世徒消臨化寶偶此  
來登劣崩峯眼前霧塞天冥杳沈吟傾刻海水迫側身  
欲問蓬萊島捫心孰比金石堅放歌要障波瀾倒不見  
前人手迹親我亦來看情浩浩衲儔無事曩時喝勘圖  
倏見幾回沼良遊唵罷人依依好山別去影杲杲戀桑  
院落風斯清整駕僕夫日尚早何當奮翮頻飛來此境  
人胡不如鳥

眉峰將歸吳中爲余畫山水以兩竹間之爰題長  
句其上卽以贈行

我入閩隄諸嶺過大竿小竿竹萬科幾人薄板肩我上

北客無地誇乘羸嶺高數十里迴折人學蟻旋登礮礪  
石罅瀉泉滑濬吠大杉老桂蠹烝禾最奇竹身覆嶺體  
風雨拉雜看衣蓑我亦蓑衣人度徇綠濕天廓疑空波  
一晌飛雨挾飛瀑白沙嶺上行踏莎水來人往不中立  
交柯互蘊聲鏗戈丹楓半林色如火艷立雲外娃非婆  
胡郎犯雨卻不顧招我興至笑口呿此間有畫妙如此  
先生夙詡良非訛我謂胡郎爾勿詫爾爲我畫脫白窠  
古人山水師眼見富春卜築人則邁所以大癡畫工絕  
爾今此幅能研摩祇如福州山共住翠色橫亘還歆頗  
瀟瀟聲來雲迫海汨沒水濶迷東倭回首吾鄉佳處在

潭柘寺竹連幽壑

潭柘以石勝題寺在其西故漢縣也

燕人聞遊情一

往日暮自倚清泉渦一邱一叢已可憶讀書竹屋首且  
幡卷君此畫君別我胡郎歌乎我爾和

送畏吾次謝錦江韻時畏吾以獲請封赴官

非戀郎官至行敦者番北上話燈昏他時曾子惟供哲  
今日王陽轉類尊山賊萬重從此去雪憐三載及吾門  
無端客裏紛紛別爲爾臨岐加愛恩

送葵齋次陳豹章韻

休賦驪駒歌在垌藍輿上嶺鷓鴣聽風情不復吟難路  
題識都將證古經春雪莫驚花外白燕山須看暮來青



多君好古吾鄉到爲問鄴家尚有亭

孟春十九日諸子北行謝生錦江送之橫山橋作  
詩余未獲往輒次韻道情

昨年舟泊大橋間好客偕來在此灣那忍臨河爭折柳

獨憐上閣自看山雨先簷外洋茶泣

前一人後天邊漠日雨

雁還老去如何頻作惡明晨鏡裏有衰顏

自鳳山橋赴水口有作示同行諸子

吾行校士乘春孟亂嶺前頭地失坪種花私禱歸來戍  
未用道祖先門崇鳳山橋邊人踏波陸登水口以船橫  
兩崖夾水火燒松萬顆連天自拄筇其間况長荔支肥

過客涎流行趨趨此時酣酣初醉春李花照眼天然曠  
南離盡處判無雪亂落瓊瑤勢爭競風來水上若聞香  
坐我涼雲故鄉慶古妃苔琬夢來疑不敢思邪心起微  
何當黃裏菜抽芽况乃翠袖竹搖柄魂瑩皎嫩憺無言  
未許繁華強相映紅桃灼灼自招人白石粼粼爲發詠  
僕本恨人豈斷情吾其歸乎欲知命人生百歲勝遊難  
佳友良時此願竟好花好水復好山紫岫熏餘張畫幘  
蒼茫遠意那可捉天付吾遊妙豈更今夕張帆風送去  
穩睡心清澈明鏡定有佳文動吾目南宋延平與論評  
樹木樹人昔有言協卜臨岐如暗偵行矣秉燭觀水樂

來日清風高嶺迎

泊小簪溪

聞清小驛漲痕平  
風日晴佳曳纜行  
水石刷來山石瘦  
菜花襯出李花明  
幾枝折供驚時節  
一片携歸重友生  
錦江秋士章之掇白石  
子于灘邊余爲銘之  
珍重簪溪今夜話  
煙蔬雷笋酒三更

舟過安陵溪口

安陵溪口且徐徐  
飽看山容水色舒  
似雪花開生石罅  
如瓊竹發亂茅茹  
若聞格磔鈎輈語  
忽見江山風月書  
左岸石上有江  
山風月四大字  
十丈橫斜礪礪著  
判輪此處一竿漁

舟泊牛頭塘與客登牛頭山飲於李花林下有作

五六石浮灘如簾舟觸石過微作聲榜歌忽泊牛頭下

牛頭寺記唐天成何年寺廢判作墩不敲鐘磬惟敲鈺

五六里前石址在水口村近詩徵程宋程師孟詩牛頭寺裏千峯月水口

村邊萬石灘則寺在此處也李花萬株壓舟落包裹古戍墩中盛此

間老兵差不惡中郎未似大阮呈會須厨酒數斗飲醉

倒莫讓前人名徑持壺醺上業裁軟沙試踏行跣趺幾

十步折拗石齒花叢身入甘嘗餉玉林果苗玉山上翠

壁當面紛開楹敷茵班草衆香拾一莖折得馨奇羸碧

溪下浮花氣潤仰看冰掛珞與瓔擬梅瓣小枝較媚怪

奇可

雪花似天逾晴飄然片片落杯酒花光吸口身爲輕長  
姬香御豈真侍青峯黃蝶紛來偵奇山勝水處處有良  
遊誰坐花爲城諸子名流竹林數醉翁媿我好爾誠顏  
然玉餅盡轉醒茲遊樂矣人人傾起遲日斜山出水一  
掬手洗波盈盈松重竹複扶去躅他年憶此百繞縈古  
人有語戀魂魂江月老我誰孩嬰逢花不飲信非達難  
得花境如茲清李花不言應許我永與花致無涯情

水口公館作宋太平興國中古田縣嘗治此後廢  
爲驛

落日人投館春風輿陟山太平興國歲水口古田間花

映危灘雪雲空大嶺鵲何當一琴崔坐理桂松間

夫人殿坑行

古田古有水南流入江合嵩溪于此夫人之殿殿有坑  
水合水口水有聲在唐大歷年夫人家姓陳嫁劉氏子  
死有身天乎不可測流爍金與石人人其爲腊飛走燔  
且炙夫人神哉心之惻呼天哀哀願脫妾胎潔吾骸雨  
下來黑雲瞥當午雷電挾雨奔如注夫人喜歸而死臨  
當與家訣淚落如血妾死而神行挾姊厄姊或孕子不  
可活其來禱我俾生子如牽已而果然廟祀于古田閩  
之人咸來禱跳躍黃稚謳白老有艸曰諶亦曰宜男請

樹廟之背間以橘與柑薦老物咸以神其來歆厥功在  
古今視天后林作明神式是臨護之花開開迎神之來  
柑與橘實纍纍送神之歸我行古田用作此詞水口之  
水飛飛夫人翩然輒何以徵之宋洪天錫碑

塔嶺

使者乘軒又絕陁好風吹路入山青萬灘石別牛頭寺  
兩縣雲登塔嶺亭塔嶺有亭南去古田西去南平道也亂片花零人憶雪  
層巔夢悸僕捫星凌晨犯霧吾何惜端爲諸生抱一經

秀嶺行

上嶺不見紅腰樹枯柯拉雜燒厓路我非思樹乃思人

同看紅樹人何處昨宵醉倒花如雪今日山中雪偶瞥  
山泉入耳激作聲吾思渴熱吾悲別桃花一株似斬新  
故人過此應懷人我來艷艷尚如此風吹不落山中春  
平生有情決如海看花百帀情不改何堪人別似花飛  
空有山頭昨雲在秀嶺兩峯峯又高行行止止雲不消  
山山開花花未已我所思人人則遙客有利劍白於水  
借剖山頭白石子絕雲不出石則多我情非石奈雲何

鵝洋

橫嶺崎嶇磴覺賒鵝洋村落幾人家穿塗泉韻猶微濕  
戀樹春光已落花佳客風前前日去故鄉嶺外外邊遐



金川詩集 卷十一  
情懷客裏殊匆促依舊青松傍路遮

桃花

別後無端忽斷魂春光薄嶺未斜昏不言  
莞爾皮家賦  
欲往欣然陶令源可奈紅霞山染色不消翠羽夜敲門  
小林一例灘頭度振觸相思第幾村

谷口

籃輿幾折背通津谷口春來大可入欲雨紅花風不落  
疑螭元石水猶神空懷方宅歸元亮若稱幽棲任子真  
我自燕西有舊隱海山漫著樂天身

右兒得孫名曰黃田詩以寄之

我年五十二亦可以有孫昨臘月旣望家書吾手捫是  
日孫則舉聞之舞嘽嘽實試福士畢天庥來孔惇折書  
黃田驛黃田名可論黃爲中正色人食田載坤食色引  
之道人道所以存右官今爲父爲父非悵悵願得子孝  
我我孝豈其敦願子通詩書身教亦有門早暮自求益  
子乃知經溫雞鳴行內則子乃知親尊凡茲非空言勇  
行誓育賁不然兒漸大升木教獐獐願之徒覩然怒詈  
犬復豚不知未出正孟誠醒彼昏汝當法獅子躍壁看  
兒犇汝治治與弓俾兒藝自殽吾幾萬里遊遠莫策汝  
臂勗哉少自力如日之初暎誨右兒爲父兼勗汝弟舅

嶺中見燒田者

早春火耨術尤神  
汜勝之書古可論  
松穎千林驚過炙  
麥苗四寸喜敷茵  
菜心瀕洞橋多響  
菜心橋過去五雲里上雲頂嶺矣  
頂連蜷嶺少人却憶平疇車出郭  
山桃剛藥泮冰辰

三都口自古田入南平處

春烟非霧看全消  
鎮日沿緣風物饒  
洗石成灘山上水  
燒根布粒火中苗  
幾年石蔓如瓜瓞  
數轉山禽或鶻鵂  
又向三都口過去  
清風桂影戀今宵

滄峽驛

春來滄峽稱稱名  
最好松兼楓意清  
未葉先爲霜柘色

不風更作沸茶聲窺人幽鳥憐多翠觸石長竿嘆似瓊  
卜宅清風真不惡沉吟要有素心并

清風嶺歌

昌平先生使閩日恰當己酉吾生初曾誇嶺中古桂樹  
數十圍大周厓臚輿行其間枝拂入手折雲蘂香淚挈  
庚寅秋孟我閩至清風曉度奇馨虛不知清氣何處落  
輿夫笑指天扶疎驚心駭目歸夢想每矜北客樹可譽  
往來茲又過橋堠背老孤立枝齟齬老榕擁腫桂與等  
兩株兩大獸鬬虞或言花時馨一嶺熱客走汗心慙渠  
乃思陳公嘆非妄吾五十二三看餘噫嘻此桂嶺第一

請歌此嶺客聽諸嶺長嶺高里幾十盤蹕旋折迂衡廬  
荒古何人爲疊石石疊上頂盛沮洳非洳非沮清泉出  
巖沸汪濊山頭蹙周流山孔作瀑瀉草木沃潤毫毛噓  
其間楓與松絕鉅根閱野燒枝柯舒櫛櫛春秋再艷艷  
紅芽紅葉嬌芙蕖老松萬怪一生獨壑底拔山霄拮据  
公然上天蔭冒日地負欲作汝履苴松邪楓邪萬古  
佐嶺育物膏露胥奇芝靈草石罅茁仙人或一來耘鋤  
好風一發轉清甚于鳴穴竅中爬梳卽今春來桃間李  
幾株麗絕情相於驛館杜鵑花更好含葩不坼紅啼子  
僕也逢春信宿此豈恤桑戀嗤浮屠山川俯仰視今昔

達人有感形于書浮生傳舍亦何繫思舊憶近勞躊躇  
麗春吟鳥各有作勝遊觸緒難爲攄矧余天南越鄉土  
節候驚遇非徐徐詩成三復山籟寂首春蟋蟀吟空除  
時正月  
蟋蟀鳴

### 龍源

下下高巔密樹封倚山古堠識嵐重隧如妖女迷雙鶴  
崖是嬰兒背九龍清風嶺或謂之九龍山也粘壁蛸毛松拉雜洗泉  
懸髮竹蒙茸此間山勢連滄峽昨卧仙居最上峯

### 白沙道中

晴光又射碎沙星度嶺缺寄輿略停壁惡却遮黃淡竹

灘迂每覆紫浮萍

山灘萍色深紫

偶逢包匭茅爭茁尚慎彈冠

李未零物理紛紛閒處悟羸他自在看松青

### 岳溪

怪底人行觸齒齧亂橫磊砢下陂陀迫臨灘徑沙流白  
難忘溪橋石級多稚子賣糕風尚古輿人折竹政微苛  
吾行不盡看桃李惶愧初心奈爾何

### 茶洋

黃茅白草亂粼粼又見桃花鎖去津號與杉洋接驛邇

跡因荔譜訪碑真

碑目云南劍州東十里妙峯閣有蔡君謨題字按今延平府北宋之南劍

州也老僧不唱無生曲名士誰爲作貢人吾自徜徉山水

窟飛紅略等戎衣塵

吉溪

晴餘陰意愛輕烟戀戀金沙櫺櫺牽約亘每當隙石處  
與紆數入瀉泉邊蟲音紡績呼春早鳥號葫蘆勸飲連  
水驛何妨橋斷好低徊人記吉溪年

安濟道中

安濟亭邊風太柔薄綿略覺勝輕裘喧流浥露人忘冷  
短草吟暉蟲不秋嚙意紛爬來白鳥叱聲亂浴罷烏牛  
忽驚夢夏扶踈樹却傍梅花花上頭

麻梨塘



此間髣髴住仙家耳熱心諳路詎賒入谷遲遲逢麥飯  
關門淡淡落梨花顏公壇遠厓書綠謝客源多嶼咏佳  
切莫問程行第幾春光飽看碧山斜

梨坑

半村茅屋折輿投不見梨花人意悠奇石橫當分水穀  
老楓亂落隔冬毬香痕日昨愁沾土雪意年來欲上頭  
此際看花燕寺客可曾話到嶺邊遊

試士延平懷古有作

摩挲劇甚豈徒誇劍浦人來小住佳成處陰謀越范蠡  
出時博物晉張華會須神寶斯津合可有奇芒上宿加

客自不貪識夜氣今宵官燭漫疑花

題唐生孟秦漑花圖和李畏吾韻

古人索清音每于巖壑構樹想更滋蘭亦曰宜左右子  
家泗水和室較劉子陋要須知心冀豈徒慕口繡飛詢  
狂未癡搦學肥何瘦秋節自然香春風不知茂底事園  
莫窺亦欲酒聊厚君儻有意乎此是無心岫

錦江秋士章之得三小石于小箬溪側章之以其  
一歸余余銘之而并銘錦江秋士二石秋士刻  
之錦江作詩輒和其韻

世間好物貴所無敗銅破壁人矜呼無端發塚一片玉

名優達宦縣襟裾豈知道忘物貴賤給孤園地施金鋪  
我怕小簪一灘水二三我客行踟躕笑而相告獲奇寶  
各出其一石小殊徐生所得徑寸牛肉好白質宜研硃  
謝贈陳一微坳次聞人之石吳瑤琚又次小小謝自有  
石兮信在蒙莊徒三者作硯何不可行隨試墨紙且舒  
此中正好索奇句要銘實用非空無我銘甫成秋士勒  
瘦刀刻骨遭其枯先之椎鑿後鋸刃無厚有間測理膚  
巧匠縮手拙爾用切泥似玉趨鋸鋸刃行澁澁鋒入古  
伏靈芝鬼魂追趨拓之在紙唐與晉妙趣恰得微模糊  
觀者曰可謝嘆絕脰肱腰腹詩能癩譽陳生刻莫嫌過

吾銘亦博名傳虛斯雖文戲古人重力角虎象防不虞  
謝生近作此可畏頭地出爾讓老夫干鈞轉移爾怯否  
鼎足李杜韓何如

贈穆英輔

二水聲因會合喧故人情厚見今番阿兄前輩懷鄰笛

弱弟同年話使軒

昨秋石君主試此間晤語而去

一道江山風月主

年昆仲蕙蘭言相看明翠燈前酌記網槎頭對客燔

是日得餉魚

將樂李君招遊玉華洞奉贈

劍閣前頭別思賒遲遲將樂幾程加炎風客久依冰柱

清夢人真卧玉華供乏君爲接引佛風因我似釣遊家

乘春去看中秋月蝙蝠歸來隙駟斜

中秋月洞中最佳處也

前驛期予計說工一尊人送嶺陽紅家聲秘殿藏書式  
交道名賢絕响中歌白雪餘人和少拋青春在客歸同  
辛夷露坐時偏好豫選山坳地一弓

### 水南別諸君相送

此處泉澗水最甘更煩郊送極清談樹心容物堪千百  
竹意留人已再三紫鳳爲簫難可忘金盃有露易成酣  
水南當別逾珍重與郡何功祇自慙

秋竹塘邊見花瓣如梨而色似玉土人曰琪花也

猶餘別戀宿醒加嫩碧連涯處處遮君子塢猶倚莢竹  
仙人露合采琪花非梨院落倚空玉無雪溪山泡影葩  
是色是空何所著春風吹客舉輕霞

自吳坑之黃亭宿

路出吳坑日下春流連風物且從容桐華掛想輕翺鳳  
麥藥垂聽入夜鐘大有惟懷戀逝水若驚雲氣渾連峯  
停驂繫軌今宵住可有牛醫兒一逢

是日假館黃生之室

樟槎道中

時清明前三日也

客行無緒態伶仃大有賓僚陪驛亭歲改方知思舊甚  
山重始嘆倦遊經與人履石詢春鳥

有小鳥善鳴興夫曰春鳥也

里燒錢上翠屏  
眈隸原殊子厚  
哨西郊遊後小桃零

柴嶺

隔年紅樹斫餘黃  
空谷嚶鳴尚有倉  
戀宿雨侵牆薜荔  
清塵風過埃簣簣  
籃輿百轉穿杉密  
木杓三支顧瀑忙  
五十圍楓芽更好  
不歸至老未荒唐

游墩橋

過樟橋  
五里

轉行疑與浙風消  
樹密風清村落包  
句拔峯偏爭翠嶽  
酒狂路合夾菁茅  
僧衣田覩樟槎輿  
樟槎  
塘名農笠山蒙竹  
葉交妄想結廬八  
境好客身安却一  
枝巢

洋坑尾

雨勢三連村外催却臨灘上看波洄石泉早照新禾影  
田火留燒宿草堆舒鳴溪邊新綠漲杜鵑花候亂紅灰  
問程又到洋坑尾亭子焚香座一回知縣范君爲我設爐香紅花於此

郭間道中

不信山宜反覆看無邊苦竹繚回灘堆缸亂亂拖舟經  
編竹團團夾道欄照水花應驚放艷酣春雨要覺輕寒  
日斜意與歸飛倦聊復遷延碧更丹

五里亭示諸生送者

沾泥相送軾予凭五里亭邊士氣蒸襟嶺交溪風昔似



廖家世澤籍今承  
桐花亂發香泥雪  
溪影橫陳紫研冰  
如此春光問底事  
百年南宋獻須徵

高溪

將樂重源濬石橫  
菜花黃裏皺波生  
溪山合處猶雲蔚  
蔡葉諸郎似玉明  
不信文真風上水  
須思政本弟如兄  
高溪他日吾能記  
虎觀相期博漢京

題廖家祠堂壁

漠布祠堂傍翠微  
緣厓照水綠成圍  
老年朱友應留赤  
舊本韓文要絕韋  
躑躅花邊鵝自浣  
徘徊嶺上鶴猶歸  
休言骨用金丹換  
識字通經德有輝

婁杉隔河望之寶山在其間

驟喜雲開峯不緘朝來猶怯雨霏霏寶山可卽驚空過  
佳士無忘仗至誠流水纏人懷石豆春風送客記婁杉  
迂程未卜茲重到別汝爲歌遵路摻

白土道中

排驛看山翠更賴沿緣心澈石灘清巒蒙松苗干春繡  
人立舟來一葉輕纔瞰揚君神鬼室却驚均老檜杉聲  
前頭三瀏還須度逆旅微生薄暮情

黃亭

薄陰疑客早夔行迎喜亭過灘意平晨影流光搖綠楫

交龍吸水靜黃亨此間樹表秋應艷別洞雲藏春白橫  
打點來朝遊記穩昨宵雨力足三更

封山

五代時楊道真君煉丹於山麓小洞仙去楊龜山先生記之

興過欲擬井參捫中閤真君煉剩魂石洗驚灘恒不圯  
雲撐孤髻自言尊旁支尚隱龜山誦古刻難尋鳥跡喧  
堂號詠歸爭比似洞颺吹客若溫溫

和元人張木韻

高灘

人來小閣偶躊躇恰好溪光山色舒誰疊岷嶹留瀨急  
忽聽鵲鵲喚晴徐輪推白粲團圞蓋鋪荷黃雲襪襪除  
客子無端添色豫高灘略住意何如

出將樂北門謁楊龜山先生祠堂

四十  
五韻

含雲屏縣郭文靖妥薪櫬將水源重嶺精廬傍故邱生  
初皇祐紀童聖治平秋十二齡過項三千禮習鄒第纔  
下禮部學遂講鏞州卓錫顛師詫昌經籍輩酬傲傲松  
茂舞許許鳥鳴求徐鐸名同舉冲虛解已邁穎昌程席  
侍皇極邵書諏月妙探靈窟珠沈得寶球春風與獨點  
深雪立偕游伊洛源尋見洙沂海冒周躬膺北學重目  
送道南修髮引千年續絃聞三縣優傳朱羅李族學偃  
浙湖陬飛鷄枋搶感歸鴻弋纂悠荀卿老勸學孟子去  
居休吟躡藏春霽登闕玉女塗桐君楓葉肱華洞石蠻

游博士分囊粟朝郎任贅疣高句驪忽問權教授其尤  
人望雞林奏天書龍節郵邇英起秘講諫議借前籌道  
重非官戀身輕爲國憂蔡徵寧盼涅京論自驩讐安石  
刪禋祀宣仁復配述逗遛將乞斬憤激士宜柔祭酒聊  
承教司空未盡猷厄成二聖北塹倚半天留割地朝殊  
議還山身急抽洞霄閒寂寂紫袋退油油舊隱龍湖側  
生松龜阜侔三經義辨竟一老杖朝儔大道何曾柄常  
珍祗自羞獲麟遲十載駭獸發千愁  
先生含雲寺六絕句首云獸駭禽鳴  
奇蔚中難將此意問誰問鴻蒙意還循杖履由兩師重  
鴻蒙以下畧用詩意  
屋坐祀二程子次舍亂蹊蹊明月軒今杳青松葉不凋  
于後軒

竹間幽徑覓石上坐痕接德峻難爲仰風餘尚或流宋  
元碑剝落鴉雀語閒啾蛾子寧聞學蘋花敢薦洲茲來  
瞻講地明發謁先疇檜紐重重齒擬源混混浮天涯鄒  
魯耀五緯一星收

將之玉華洞道中作

申約前期計竟成主人賢爲百經營葉花黃著遊山色  
麥穗青怡奉使情穴可捫星流亦枕亭堪漱玉濯餘纓  
風吾不畏深能涉萬怪來窺鍾乳精

遊玉華洞用四十四有一百韻

少癖購羣書玉華洞志有詫人古洞天飛走絕跡風今

茲過將樂使者軒乘輜主人候紫氣止我具糲糲君姓

自仙李客主齒誤齒我樂從君遊楊祠謁北阜

龜山祠在縣北

門外入城更出城三華橋水瀏舟拈其里十簾嶺一髮欺

會仙真拍厓漱玉或遺鑿兩亭誰所作接引佛我誘禽

舌譯客來古記謂之鷲

時聞百舌羣鳥

土人興燭洞一扇風颭

颭繡毬踏蹴鞠弋繳難收舸霏霏傘假客仙羊初平趣

旁有貓卑伏敖者賊啣噢應真十八軀倒挂示劬姪蒼

龍漭出渤爪弄角蝓繆巨象披毳毼四足一鼻欲側身

瞰螺旋蛩蠃蠃蝦蟇仙房在其間床幄縈綸綰別有小

仙房嬰綳脚絆繻的的古仙田潔蠲勃與溲蠶蛙墜陳

根莠苗亦不猶聞畊宛則之重泉灌稻杯五龍下水戲  
磬舌吐腥煨錦江鯉上水涸凍將鮪鮓蓬萊翠疊疊仙  
人放麋麇闕爾不可測雷公面醜醜舍之抱琴腿一寫  
思鬱鬱鷹隼立目愁羊肚燂其餽下垂就乳胸心惻無  
子疇虎瞪兒眈眈號貓小更醜伏地獅鬚鬚破石爪翻  
蹂何人雪深醉滴滴釀啜釀我命笑嵇生不乞石髓滫  
鼠巧竊綏桃仙遣狡犬守鴈門雪掌落藥箱凍乾醜瓊  
樓玉宇人醺飲諸父舅撫席或間丈長夜酣相侑天平  
柱與針平直堂地紐冰柱劉叉死媚石彌明朽眼前句  
敢道荔支饒手捫風吹蠟炬淚生不化仙慙雪立陳公



背陳死人久久鞦韆孰翻身雪窩几孰授八人者胡集  
斗魁匡隱栗千巖又萬壑障運劉侯肘幡然寶蓋懸覆  
此籤鏗樞厥子拜展墓茗酒次列盃美人姣珊珊白皙  
不槁朽一柱天爲支崑崙銅揭揆吹吹金蝦蟇靈龜飲  
氣壽儒釋道三家天垂象人佑蒼蒼其視下蟻哉湫乎  
攸達摩無文字無江渡無咎鼓子叩則鳴承露盤瑩瑋  
元武立若神蠶叢石背負闕然仙人搨刻石至元手更  
捫朱墨書剡洞聲翩翩歲乾道丁亥偕僧兩勤首入穴  
平崎嶇千載吾開闢爰職普陀岩蓮花五緯凋蕪蕪歸  
其巢白玉屏瓊玖鍾離權呂岳祕授魄針灸鸚鵡鵲鸞

環大小獅欲趨犀何望而翬玉甌小竹颺蹕蹕跋鼈睨  
漾水鴛非鷁玉龍首偶出仰面猱升脩白玉蟾何娛兜  
銑仙門散石龕上石鐘鈞廣樂成九邨稚小磯擲鏗響  
殊擊缶沈吟軒轅張禮樂天地傾仙柳下土傳漫天幕  
羃屨竈盜儼人宅真靈此薪樵白狸敦橋邊跛跛彌勒  
右布袋向我吟明月落江否毫光閃金星十二乳一占  
酌之拜觀音像胡恒作婦世間男子子不悟中黝黝蒲  
桃與核桃剛柔掃用帚何處木魚響七層樓糾蓼且拾  
紫芝去葫蘆門罩留投壺與登塔手足若我揉隱隱夜  
欲曙一瞥火滅燭此時心墮蜉蝣莫問卯與酉人生夢有

覺子午穴王鮪適來春水辰却看秋月丑四更漸五更  
半輪隙光受忽悟詩云葩月出歌舒優五色霽與卿側  
趾無底湫升天色非元入地情無愀敞克夜何其窮牛  
鳴恐廬石像前小坐錦段蒙牝服福地我帷車淺斟此  
可酒我遊名山駭石怪幻夜圍如何夜又月媒我若人  
罔神仙非可學金丹徒自瘡鼎鑪更迷塗出洞原自牖  
奇哉窈窕遊畧撫壺中鉏何當常常斯聊別謝吾友

桃村

二月三十日  
清明午初

一壺天地別烟燼嚮夕奇遊古洞曛藥櫃依稀今日似  
桃村髣髴古源聞春溪小草偏紅葉曉嶺輕烟誤白雲

不信五更天上客忽忽又問路岐分

青山岡

薄板啾唔自語空陰陰天宇澹無風石岡未了青痕在  
客賦無端元思同不絕層田聽瀑合又來前路話山窮  
吟成穀樹林間度借錯他山老去攻

交湖

城南將水遠迂流村落交湖日當遊小雨能令行色變  
橫雲長遣客思悠紫萍葉滿清明日黃菜花曇耕治疇  
水陸連朝難記數又登方罨線窻舟

南口

渡湖卽館燕投窠好景催人日擲梭黃州漲胷新相葉  
綠秧插認舊苗科誰噴嶺霧迷松翠若擁灘沙護石磨  
爛發桐花南口徧人家么鳳定然過

隔嶺岡

越嶺過村輿不奔艸痕隨意綠當門杜鵑叢染鋪茵地  
蘆葦花明面水村昨洞幻看秋滿鏡今程真脫雨翻盆  
人生所遇難如願憂喜無心且一樽

新塘道中

過嶺平看林遠深兩山川在愜幽尋看厓上下平皆種  
聽溜高低漸與樹精舍三間足送老鰥荒一角便安心

良田美竹都供辦此處移情何必琴

宿白蓮將出將樂境矣

扶路漁郎絕可憐難忘惝恍五更天  
宵深穴妄捫光石清妙區眞宿白蓮  
風物海棠硯可寫秘文林屋洞同牽  
此中欲別頻回首況是遊山主最賢

簡河詩集卷十七終

笥河詩集卷十八

大興朱筠竹君

庚子

山溪

一夕驚濤枕上譁  
曉來遠客向晴誇  
鄉盤碧供龍鬚菜  
驛路紅招羊果花  
對壁迴空增水韻  
緣溪靜古少人家  
自慙道路荒吟學  
聲變春禽自爾佳

銅嶺村

行行銅嶺若前因  
蓋竹村來流顧頻  
兩面溪光宜逸客  
四圍山翠倚佳人  
思乘宿雨吟張協  
合有清談到蔡倫



村人多他日此君入夢處相看我莫是前身  
業紙者

### 鐵嶺村

銅嶺纔過鐵嶺長密林雨後覺輕涼黑沈壁著紅鮮朶  
綠黯村明白聖牆少語人齊爾歲壽長年泉忘我田良  
木天客忽斯間到十倍青看一萬章

### 過嶺入歸化縣界

靈洞輕辭游詎重水沿丁位此間從新妝送客紅芽樹  
離立迎人黑石峯此處官程鐵嶺度前宵仙夢玉華逢  
無聊博得崔嵬看戴石還生石上松

### 華源

綠複蒼重若有靈溪迴壁折曲開屏是中水頗源仙洞  
在昔人堪應落星嘉蔭已歸日上甲名邦不獨水流丁  
龍湖前路趨行拜吾道來南幸此經

龜山

略比金焦絕浪侵又疑伊洛導厓深維崧尙降先生嶽  
無斧同操夫子琴人仰長留山仰地道南轉切宋南心  
伏龜形似龍湖側莫遣樵蘓上碧岑

茅山道中

十里春藏歸化城近郊密葉秀而清名山有木堪工度  
德水行川要坎盈百歲隙光過不負十年嘉樹計將成

樓臺鼓角吾行望小住爲佳慰逸情

青竹道中

陰意疑人驛館離乘軒看雨亦相宜出雲峯自分濃淡  
響瀑聲全失亢卑起舞有如支翠亂鑿山非賊屐筇隨  
衣拚青竹塘邊溼不到翻盆未覺奇

將之五通塘道中作

疎密看山總不重淋漓况與雨相逢綠霏春浥丫歧麥  
頰壁寒乾燒尾松躡屨舁偏憐石滑荷簑耨不惜泥衝  
五通四達吾姑住未是貪饒問早饔

將入蝦蟇堆

水鳥羣呌若愛恩驟拋雨勢渺無垠夏峯漫滅奇畝誤  
午壑溟濛亂影吞自在翬髻呵草磧一齊錢鋪倚楓根  
目前風滿山行去略盼天西虹破痕

林斜塘

樹濃易惹雨濃迷小雅人來賦淪淒蓋假客多點欲急  
林斜成到影疑西石雲心在終歸岫玉洞名同小有溪  
欲曝非情霖或可樂游何事憚衝泥

游小玉華洞有作

楊子臨歧尙感分矧逢勝處味如薰竹青亭外供青飯  
萼綠仙來坐綠雲石燕曾通道士炬秋蛭親結趙家文

忽忽試邑還移守珍重留題慰後聞

小玉華道中

用宋劉公橋明柴車洪性三詩韻

不知地肺或天梯靈氣中藏三穴齊要覓黃庭人影見  
華東不在在華西

肥玉生池仙自家瓊英莫乞乞瓊華希夷睡魄頻頻到

洞口猶開乾道花

洞右有宋乾道年所置佛廬

嶺窮石燕恐難回化作嬰兒洞尙開我癖宋賢親手刻  
權充仙訣寫將來

自清溪至馬公塘

枕霤跳珠更曳縣爲諸生役睡便便聽禽客辨鉤輈語

叱犢人歌獨漉篇日走喝何憂照曜星言零旣喜遷延  
馬公十里違華洞嚮夕眠猶傍碧仙

分水坳道中

疾雷聽亦響悄悄滿旋輿夫馬不駸勇往猶能卻雨勢  
迷途暑覺空人心雲孤兩角先炊飯瞰出東方似蓋衾  
亂吐驪龍珠萬顆羨陂我亦發狂吟

小嵩亭

許率清流影照潭無邊緣意淨相涵山形杪秀辰看北  
水折璇光丁指南籠藥小嵩仙可室拈花大道佛同龕  
眼前虺雀休紛鬥雨立安心與汝參

黃風嶺道中

未與人殊泥濁嗟無端潤絕目難遮雲茫前徑平無确  
濕誤初雷隱若車風雨偶然頻賦晦清明未必苦思家  
人生誰是心如石莫到山川景極佳

牛嶺憶李畏吾

石罅松多理不羴雨餘醉態略模糊諸峯略入黃瓢

瘦瓢此間  
工畫者

畫一笋

嶺頂一  
筍甚鉅

偏宜憚格圖

憚壽平曾有一  
竹圖爲隱君子

作牛嶺客來炎霧重鳥巖人去冷風孤漳南未到依稀

狀半角清稜肖畏吾

縣底塘望清流城

我來濛雨誦幽佳  
潘縣環城尙倚崖  
石缺鳥啼紅謝豹  
灘偏花放縞饑柴  
路旁有小白花如碎玉  
土人曰此饑柴花也  
蛙疑畫意皴  
輕墨壁誤書痕溜  
古釵此處真稱山  
水窟四時鼓吹付  
鳴蛙

### 黃旗塘

僻戍人行曉景妍  
分明澍過欲晴天  
黑雲右半窺華洞  
白鳥前頭戲水田  
好雨星占徒偶爾  
乘風茶喫欲飄然  
一株柳拂黃旗道  
送客絲絲拂水煙

### 黃旗塘道中

南去清溪松施蘿  
嶺邊複嶺看陂陀  
連崖日漏容光偶



絕頂松加方寸多田埂欹斜磻作帶山嶠等級舍如齋  
此間朴古名黃土躑躅紅兼翠奈何此間巨石錯落田  
中不可去人因加  
帶築以界  
田隴焉

### 安樂村

秋河非瀨灌春江急溜回村泊幾雙嶺石純遮松護竹  
宇衡相望板通缸九龍不下魂原定九龍灘險極在清  
流之東門此其上  
游也二麥先成心自降我冒雨來晴忽露斯鄉安樂果無  
雙

### 橫柏嶺

嶺頭橫柏亂攀鬆幾派山支判幾宗魚膾柴花故里雪

羊腸鳥道亂崖淙筐甘石耳村中罔冠逸夫須雨外農  
山有可游有可住吾行略閱溯春冬山中處處小白花  
清明節開歸化人  
謂之饑柴清流寧化人謂之魚膽柴此花本可中薪耳  
年饑則取以為柴言其多且賤也其花似金銀花白者  
而辨若碎絲故謂之魚膽也其大者百年以上至數十  
圍幹根離奇閩人則因其形似雕以為坑器人取且盡  
深山乃有之亦難得矣

### 晴雲亭

晴雲亭過日微昕雨勢橫來望失垠郭老塾巾風尙扇  
蘇家借屐吠猶猜炎峯以往三霖慰翠竹相看萬个欣  
屈指汀南再宿去海濱洙泗孰斷斷

### 宿石牛鎮

怪鳥奇蟲亦可愁  
吾行坦坦意悠悠  
先春似泣呼題鵠  
曩夕如盤緣次壺  
天上客來金馬迴  
水邊館卽石牛留  
山中蔓發輶軒敞  
清妙人攜日日游

喜成亭

春程雨自石牛遷  
過喜成亭略佇延  
晦廣西偏泉自靜  
山園南去石多圓  
罅崖松稚斤爭伐  
浸壟根陳草亂纏  
信美土風須得養  
王褒樂職我來宣

碑嶺

泥衝雨苦僕煩冤  
碑嶺行來色欲竊  
唐碣古搜于更李

謂李陽冰

十洞雲幽討宋兼元

謂鼓山及大

歐公金石

說二刻石

斯文托揚子輜軒絕代言滑滑霖聲苔蘚路感予緣樹  
逐獐猿

滑石

亂雲收拾露隅垠三夜天河壑盡吞新鴨綠添高石罅  
映山紅藉老松根喧灘轉急深窩漩照檻難消溼黛痕  
且復叮嚀輿戒僕此間滑石履崖跟

羅溪

嶺上青青日驟加羅溪橋度劇清華霏穿針孔秧根插  
潦沃銅皮柏樹芽何路重源尋石洞前期半月溯桃花  
路旁驛吏如迎問莫是仙人饋飯麻

彭家莊

飯徹彭家館半間  
拚看白點打潺潺  
夾崖曲走長汀道  
別徑潛通歸化山  
草萋明妝一樹縞  
松稀寡髮幾峯髡  
瘖吟亂石前邊過  
莫駭癡龍吐不慚

燕子塘

清明役役路漫漫  
古戍依灘亦可觀  
草語續孃春雨殢  
泥啣燕子石溪寬  
老兵獨醉呢喃切  
過客斜窺壁壘完  
午戾山紆花爛發  
官程未許小盤桓

七良道中

雨中山色愛淙濛  
館驛遙知繞碧叢  
去濕難留生鷁嶺

無人易有立灘櫻七良游或堪依竹千歲脂還可服楓  
刻水摹山吾不倦未須候吏刺先通

湖坑道中

衝泥三日僕夫僵霖霖遲遲十里長圓嶺頽呈偶剝塊  
方池綠浸未分秧雨深雲在晴非碧潦甚泉翻沸若漿  
間惜櫻身清幾丈不陵絕頂但依牆

大息塘

雨餘儵爾弄暉暉今昨難論是與非官驛猶知題大息  
鄉花頗覺憶當歸紅英爛熳鋪林樾白鷺春容翦翠微  
此際春明小舫客可曾憶我減腰圍

青草道中

休將好景滯浮生雨勢雖停意未更  
曜日金衣吟曉曉  
涉波白蹠浸膨脝  
斬厓石角溪衝露出嶺松梢雲映明  
青草堆邊人影去捫來處處亦心驚

鴛鴦塘

程越湖坑二十塘水邊風景略徜徉  
雷聲那待鷓鴣雛  
筍勢防穿蟋蟀牀  
此間蟋蟀已鳴故云  
不復宵行憐熠燿何須灘  
上看鴛鴦一株松蓋亭亭過好與留題石壁張

自葺亭橋之新橋

灘聲滾滾響連朝  
春雨天然長稻苗  
厓石一方四角面

巖松萬顆五圍腰村原不雨難晴日人尙呼新感故橋  
今夕擬從汀水住暫收山色貯星軺

南田道中

新橋南折少泥塗細路沿緣石不枯清汴宜居輞水客  
異花未寫惺家圖趁晴山色青于涿差遠田痕平似吳  
我走江南家趙北好措雙眼未模糊

百步舖望府城

山田水去一層層客識城邊汀字曾歸化險嶽嶺略盡  
清明芒穗稻將登陳詩陰雨偏宜歲占易西南定得朋  
甫掖心期經學重蔦肩火色會須騰



贈謝教授廷瓚年八十  
七矣

先生偶現冷官身  
苜蓿堆盤九十春  
箴國自看隅抑抑  
傳經若聽語閭閻  
非關絲竹情陶爾  
莫是煙霞癖養人  
我艾誓將昏嫁了  
詫君新夢石麒麟  
昨歲猶生一男

去汀州重過新橋

小住汀州山可觀  
致佳秀色亦平寬  
稻秧未插嵐縈帛  
松宰剛萌烟弄丸  
南人呼小松爲松宰  
雪嶺石痕驚北壁  
大雪嶺汀水發源經新橋南入海  
汀流水執認南湍  
新橋人說茲分溜  
直走潮陽向最端

大息有作

乞客桃源畫壁張驛亭屢過自評量少紅瓣奪多紅豔  
稚翠鍼欺老翠長四嶺雲疑蓋欲假一泓水浸稻知良  
此間小息寧須大子驥欣然味略嘗

嚴坊橋之七良

注雷如留未可需行看新竹雨逾姝牛停暫避衝泥甚  
鳥絕長愁翛尾無白霧山矜生豔朶綠簑人忍亂跳珠  
嚴坊一角孤亭在端爲韞軒數急趨

碑嶺道中

白雲屯處雨來侵金翠神靈咫尺臨巒嶂萬重爲客遠  
陰晴百變在山深縣名寧化餘間關人越長溪廣海淫

碑嶺行行無一字此間金石費搜尋

### 平氣亭

水不南流地尚汀興行踏雨態玲峴耽奇昨上澄心陞

澄心堂故址在朝斗巖右

善養今過平氣亭偏仄差能諳道路蒼茫

頗欲感神靈眼前變態相看笑鑿石名牛不亂青

志云石牛

鎮以道旁有石牛名今不見矣

### 自喜成亭將之石牛有憶

逶迤平遠帶青葱石媚還看雨洗空蝴蝶爾來春昨去  
杜鵬事罷壁餘紅懷人意恰佳山在假館情難好夢通  
雲漢無涯客思遡石牛小住亦怱怱

石逕村

者番隧谷自升陵石逕行行目直瞪樾壓崖陰村隱結  
泉穿約曲日遲昇杜鵑花朵千回幻張勝壤碑一冢仍  
役役勝游人老去慙渠晴雨稻看塍

賴斜

破除險仄試平望結構初成樂未央美竹良田論魏晉  
崇山峻嶺序孫王賴家姓字捫碑碣夏孟扶疎繞屋牆  
休說神仙無更有可期茲是白雲鄉

吳坊

莫對名區妄發論吳坊妙以不言尊何知浙右山陰道

絕勝江南石壁村水轉白翻紅欲躍巖逾綠嫩日思溫  
客行那不低徊久合便移家長子孫

寧化口占

唐餘古縣此經過游癖茫然喚奈何彌勒同龕聳老願  
芝田幾頃皓公歌湛深隱士撐青筏窈窕仙人跨白鷺  
自笑無緣能始似良辰不趁落花多

不獲游東西兩巖因之懷古

浮生誰似石堅貞剝水雕山天性成無復侯瓜過季主  
頗聞仙李隱諸生冥心石鶴何曾化改令金衣尚有聲  
我自春來排水去不勝弔古縱游情

白水嶺

嶺向坑亭口拔尤噴來若較九龍優要明山峻窺泉落  
莫憚途難繞瀑流忽訝平畦略上頂最奇橫約別開陬  
沙坪松翠非關赤從我晨餐仙境游

大西嶺

仰看習息絕飛空狂入天門橋空通霧重氣憐寒塞雪  
日斜聲雜亂灘風玉池慧水偏宜稻虎魄神脂自老楓  
幾十里登又十里河龍蟠結大西東

山行遣意

可奈春光悅目何須與降嶺又升阿青蔥重染崖工畫

咽曳遲聲蟲媚歌啄木鳥收絃韻足忍冬藤結石香多  
空山聲味無人解穩坐肩輿細辨他

打鐘嶺

徑過危亭直下衝焦原側足亦能容鵝唳入夜知連樹  
虎跡侵晨候打鐘厓險強祈千磴稻泉高易計十年松  
客行百里斜曛薄山色貪看不厭重

伍家坊

十室難誣過伍家此間人士略堪誇鳥多解語諂黃鸝  
花不知名辨紫砂早足禮耕先種穀急須經藝漸扶麻  
柔優飫饜蠶還善莫負書牕萬軸牙

石鼓潭

有巖

搏雕鏤孰使令斯人好鬼以神名紙錢灰動精來舞  
石鼓潭圍劍斫成雨落上天懸霤倒松生觸壁利鍼搜  
水中有蝸蚪狀莫抱驪珠睡似醒

發安遠館道中作

客行計月當餐荔驛路連林或指橙鼓吹初朝涵閣閣  
笙簫首夏蔭嚶嚶浮橋屋比遲中市映滄秧齊問早耕  
前嶺馬鞍當面覲敝廬二老憶怍怍

二老莊先墓正望  
馬鞍山戒壇寺

南橋

春光五日去如遙拂羽依然喚鶻鵬住翠華間窺北頂



別黃連去越南橋東西巖未游猶憾松竹林頻看已饒  
下上清音山復水曩宵有食樂全消

棉家橋五里出汀州界留別

此邦我媿老文翁石室經存努力攻跡絕雲山佇易朔  
情纏石水去棉東逢人意吉安行李到處游佳快鑿空  
珍重諸生乞札別題名響徧玉玲瓏

三都隘口自汀州入建寧界

排闥蒙茸山蘊精每遭奇境更奇名三都怪斫魂藏隘  
萬瀑天垂日挂鉦黃海古稱靈髻鬚奇山曰三  
天子都白雲下  
起亂河滌蝟毛峯一蜚尤額莫使鴝鵒夜作聲

都上道中

都上如慙飛鳥臨名區勝後老將侵遺鏡屐未無諸嶺  
棄杖茶先夸父林花可奈何須秉燭樹猶如此且安心  
逍遙游是平生讀妙意巖窩曲裏尋

巖窩嶺在  
都下之北

蘭溪

連壁青葱老未鬚攀芳約略吾猶嫺雨來若爲滋新畹  
玉誤偏能潤好山空谷不言我獨往隨風先候客俱聞  
此間采佩人應有水石中邊韻聽潺

發泰寧至分水塘

大嶺古難尋馬跡小橋近尙勒沙田人家綠綠都搖影

雨嶺絲絲若動煙水劈金鐃撈二縣樹沈玉井坐中天  
蕭蕭略覺蘇瞻感苦苦寧哦張協箋

源口道中

興徒狂走未吟呻絕勝篷聽看不真女薦韻纏劈斧石  
夫須穩稱荷櫻人三溪泡雜松針滴四嶺雲蜷石髮伸  
莫嗟雨打急灞陵衣上句偏新

洛陽村

平川雨至綠彌繁名卉中州帶海垣愛誼才誰真軼代  
貴姚花却少名園張公題句難尋寺謝客游情喜覓源  
穹絕險殊狀亦再流紅漂翠夢喧喧

自袁莊入泰寧界

心疑天漏未能降上嶺晴翻戀此邦高石攜霖入魏嶺  
懸波訝濯辨綏江河邊詠蹟經三日竹界聞雞又一瀧  
茅店前頭月色少望舒不照古閩牕

梅口雙溪

異派交流偶得名落花浪裏漸川盈阻灘與徑煩舟載  
捫壁霜痕借雨呈好待三千萬葉發重聽二十四溪聲  
此中人未諳游趣枉使桃源記不成

長灘

登岸緣崖花自拈雨飛打面舌生甜湍噴響怯奔雷轉

石滑行愁澗酌添直并鏡山千瀑受不勝梅口兩溪兼  
閒觀物狀悠然會隘否誰能似此謙

霧發泰寧

水南人去軾憑憑小坐肩輿目直瞪雲密天圓壺曙隔  
煙生水面益涼烝諺當作熱情還慰諺云春霧百  
花夏霧耕詩欲  
藏章吟未應十五里過山夾戍檻瞰盼斷碧岑昇

山夾道中

愛游意自逐高低幽處還矜勝客攜翡翠鳥鄉時見偶  
茶靡花候略開齊來禽忽已林中爛青竹何從谷裏嘯  
不見泰寧鏡頂寶兩崖石勝玉東西

朱口

客意然疑雲若緘癖山味自別酸鹹機忘易聽無名啖  
樵斷稀看有路岳怪鼓鑼山鳴未叩愛琵琶石手誰摻  
行行朱口吾宗在願結茅亭附檜杉

龍湖道中得數峯自杭州來信已待我于大埠館  
中矣

小時嬉戲屋還整五十春來聞半周鳥跡碑頭捫漣字  
龍湖宅子看臨洲我行石鼻心如石客說游源山可游  
忽報西泠佳客至如何今夕話離愁

自游源三里入邵武境

采風軒裏妙聞香二縣行來半水莊雄石圍松吐舌飲  
雷花帶路亂頭妝畦中雨稻針痕媚山外晴嵐劍勢張  
美景原難一格賞近郊入未且先量

高婆嶺道中

故人初到好山過下下平岡踏綠莎霖塊珠飛宿大埠

雲竿玉立問高婆古女指授瓊琚筆

前韻梅崖

幽山沿緣

風雨簑我自採詩聊縱目溪聲鏗覺老瀾波

山心

中邊甜味絕酸辛水送山迎妙入神頗怪五叔蒙嶺點  
如聞百舌對談親客論冰口忘骸少我到山心快意真

嶺海欲留懷土劇齋堂果下定抽身

山口

說是人來山口中  
蹇然不與外間同  
收香鳥語林疑韻  
安石榴開牆露紅  
驛里只談峯遠近  
人家多傍水西東  
相逢扶杖尋常老  
眉目何殊漢四公

香林

妙香一逕雨徘徊  
處處行山山轉圍  
松頂高嵌白礫砢  
竹林斜擱粉薔薇  
麥黃樵熟簣音變  
泥滑波深石路微  
如此幽佳人不見  
吾行將老若依稀

城南道中



瀟瀟樹影綠沈連佳處相看若有緣奇壁人能揮斧劈

倦雲天與曳絲纏前朝宦達嗔疑塚

路有明副都御史楊公墓輿人云有

疑塚三十餘處亦可笑也

歧路行迷仗古鐫今日賴公嶺下去滄浪

詩妙定誰傳

邵武試院題壁

我行入樵水十日雨七八穿城九曲流鎖院了不際院  
有後軒隳隔牆樹亂拔植梨復橘柚恐被客看殺庭空  
但蔓草雨積泥滑滑感昔種蕉客講武文未察諸生校  
藝地力懈麗譙勅先生或不暇長此充椒檄我適鰥生  
來娛目自謀點種蕉真可學胞綠州臘膈而今雨絕妙

好鳥呼嘎嘎

既種蕉竹及門邵武沙雋仲升復致南竹茅竹二  
種松十株益之更得二絕句

分將泮水三楹種移致丹臺千尺竿渭畝胸中饒不敢  
報春新笋爲勤看

老鱗幾日結蒼胎小計千年亦過哉九曲溪邊種松客  
櫟園蕉後我重來

贈朱太守

景英

桃花源裏紅英送桃花源外紅霞種春來水上遍桃花  
不辨漁郎何處洞太守生長武陵人愛說桃花處處津

相逢樵水春歸久却共榴花洞口身桃花迷路榴何自  
晉後唐人浪好事浮世何須世外仙癖詩聊識詩中字  
滄浪仙人吟忽去結構高樓古城路海南女身海東妃  
喧客樓中主不住太守騷人感倚樓心心詩話話未休  
樓中更鑄二嚴祀昔戴今周亦匹儔我來再拜躬傍徨  
客看競渡溪中央迢迢又號種蕉客榴花紅日驚端陽  
樓邊樵水折九曲照水山無此處綠詩人相值會偶然  
記取樵溪吾輩躅

李君

源

與君閩海逢却說蓬萊閩海中石絡通要趁潮減落云

曾揭衣鉢鱗小馴不惡石中村有人城市足未託桃源  
良田好大菊老人格問之或閉口供客飽餽飪數十千  
入飯供養如僧樂歸來日暮迷牧指途不錯此誠如老  
氏百里治渾噩儵爾辭斯鄉來求閩民莫自言親民難  
非惟俗涼薄低徊古之人但攜琴與鶴吾謂治無他期  
吾力之索悃悃克久久譬若歲有穫知命乃有爲聖賢  
晤如昨何用雙鳬飛仙藥民病霍邵武山水縣相安耕  
與鑿報君情意摯贈言敢廓廓

下陽巨石遇雨憩其側

翻盆勢急不霏霏小憩溪欄石萬圍奇極欲將顛米拜

殷勤疑致醉歐晞非關淫雨蒼苔卧忽集么螽翡翠衣  
未是下陽天上客更誰題作隱淪磯

出山

曾快重登繫頂客又參末席幔亭孫偶隨九曲萍蓂質  
若記千圍楠樹根游意凌雲前後海客軀換骨十三門  
人生脫屣談何易歸去收身且蟄存

別武惠

去後名山跡  
生又在傲精神十三略別仙人蛻  
億萬應哀古世途宿戀誰來葛氏隱夢醒我亦慢亭人  
老夫曾是經黃海難著他時山水身

黃土塘

下嶺茶殊上嶺茶稻秧濕浸正肥芽白雲洞寬仙蹤悵  
黃土村偏秀色誇鳴頂綠憐曲外水象牙紅羨夏中花  
此間負販人都少莫有真靈闔隱家

耐口

不飲何曾更讀騷昨宵幽夢涉登勞釣竿壁在魂猶戀  
耐口人來興欲陶晴樹蔭中一鳥變鏡波沸處兩崖高  
腸迴九山差知否游趣平生亦足豪

古槎亭亭祀廖氏爲土神頗著靈

古槎亭路折軒轅土釜溪蘋廖老羞石卒史偏遺肉偶

木居士竟作詩求何緣竹笋呼重簪自合春鋤蹠故洲  
木槿前頭爭爛發若因花鳥便勾留

自清曠亭至白槎

欽岑走後路如平約略清游足畢生却別乘高辭夏結  
仍從建曲取南行白槎歛客棠長翦歛汪君廷丰官此修清曠亭其書額  
有在碧水江郎詩小鳴何處借將五色筆昨宵亭寫月  
地者  
三更

黃口塘

晴來已看檻瞰三飯訖朝光與客談山轉白槎饒短竹  
人來黃口少雙柑亂噉鵝鵝爭窺四山峙巉巖穩坐籃

一折甌寧林下憩如諧茶味啜餘甘

午過豐樂塘

赫曦五月半中時揮汗人來簷更持豐樂堠真夏日畏  
瑯琊山忽醉翁思提鵬鷗勸花開酒黃鸝鷁工甚熟詞  
修竹一山暑不受吾行樂矣復奚疑

北津道中

遵路詩人賦手摻未應吾嗜別酸鹹無名禽似無名咏  
有雨田因有雨岩火耨定收幾畝稻北津已茂一山杉  
若思有本經何取請爲諸生發闕函

溪裏村



熱行山意轉清寒細與衡量碧更丹江令才華借筆麗  
建安文骨稱名難塔疑成吉思皇代灘邊石塔元製也村傍阿  
彌陀佛灘路左英英肅揖子可曾疏注下帷看